

Visoki predstavnik čestita Dan Distrikta Brčko

Visoki predstavnik Christian Schmidt čestita građanima i rukovodstvu Distrikta Brčko 8. mart, Dan Distrikta.

“Ovo je dobra prilika da se osvrnemo na pozitivne pomake, istovremeno ne gubeći iz vida da ima još mnogo toga da se uradi na poboljšanju života stanovnika Brčko Distrikta i na tome da on postane privlačniji za ulaganja i nove poslovne prilike.

Povoljan geografski položaj Brčko Distrikta, u kombinaciji sa dobrom upravom, predstavlja značajan početni adut za prosperitetan i dobro razvijen Distrikt. Odgovorna uprava neophodna je za napredak i razvoj svake zajednice. S tim ciljem, stanovnici Distrikta Brčko i potencijalni investitori moraju vidjeti konkretna poboljšanja kada je riječ o pružanju javnih usluga. Želim da zahvalim prvom zamjeniku visokog predstavnika i supervizoru Distrikta Brčko Michaelu Scanlanu te rukovodstvu Distrikta na uloženom trudu i napretku postignutom u razvoju Brčko Distrikta, koji je važan ne samo za Brčko već i za cijelu BiH. Želim im još puno uspjeha u budućnosti”, rekao je visoki predstavnik Schmidt.

Visoki predstavnik je istakao svoju čvrstu opredijeljenost za razvoj Brčkog u dinamičnu i prosperitetnu zajednicu – pokretača cijele Bosne i Hercegovine te dodao da će pomno pratiti situaciju u Distriktu.